

*УБМБУ Судақъ шеэри больгеси  
«Къырымтатар тилинде окъуткъан 3 номералы орта  
умумтасиль мектеби»*



*Сыныфтан тыш тедбир*

# *«Масаллар алеминде»*



*Тедбирни азырлады:  
Къырымтатар тили ве эдебияты оджасы  
Куриштова Гульмира Мухаммедовна*

## Сыныфтан тыш тедбир

### Мевзу: «Масаллар алеминде»



#### *Тедбирнинг мақсатлары:*

- халқ ағъыз яратыджылыгъына мерақъ ве севги ашламақъ;
- масаллар жанры ақъкъында талелелернингъ билъгилерини кенишлетмеқ,
- тертип этмеқ ве пеқитмеқ;
- талелелерге озъ истидатларыны қосътермеге имқян бермеқ;
- талелелернингъ иджадий къабиллетлерини инкъишаф этмеқ;

#### *Тедбирнингъ кетишаты:*

##### *1 алып барыджы(Эльвина)*

«Бир заманда бар экен, бир заманда ёкъ экен»

##### *2 алып барыджы(Эмине)*

«Заман заман экенде...»

##### *1 алып барыджы(Эльвина)*

«Кунълерден бир кунь...»

##### *2 алып барыджы(Эмине)*

«Эски заманларнынъ биринде...»

##### *1 алып барыджы(Эльвина)*

Балалар, биз бу сёзлерни къайда эшитемиз?

(масалларда)

-Догъру, масаллар бойле сёзлернен башлана

##### *2 алып барыджы(Эмине)*

-Я сиз билесинъизми, масаллар бу насыл икяечиклер?

(муджизели, зевкълы икяелер)

##### *1 алып барыджы(Эльвина)*

Масаллар халкъ агъыз яратыджылыгъынынъ кенъ даркъалгъан муим бир тюрюдир. Къырымтатар масаллары къадимий девирлерде мейдангъа кельген ве асырлар бою къырымтатар халкъынынъ тарихыны, омюрини къаплап алгъан эсерлердир.

### ***2 алып барыджы(Эмине)***

Масалларны эр кес балалыкътан биле. Масал – бу зевкълы, муджизели икяе. Масалларны эм икяе этмек, эм окъумакъ мумкюн. Масалнынъ муим хусусиетлери бар:

-масал аджайип, муджизели икяедир. Омюрге олмагъан вакъиалар, арекетлер, шейлер, чокъ уйдурмалар масалларда тасвирлене;

### ***1 алып барыджы(Эльвина)***

-масалларда иштирак эткен айванлар инсанлар киби лаф эте, арекетлер япалар;

-осюмликлер, неснелер де озьлерини инсанлар киби туталар, лаф эте ве арекетлерде булуналар;

### ***2 алып барыджы(Эмине)***

-масалларда адий адамлар девни, аждерханы, джадыларны енъелер;

-масалларда акъикъат, эйилик, догърулыкъ яманлыкъны даима енъе, инсанларгъа виджданлыкъ, садыкълыкъ, джесюрлик, темиз гонъюллик киби чизгилер ашлана;

### ***1 алып барыджы(Эльвина)***

Акъыллы кирпичи, айнеджи тильки, къоркъакъ тавшан, ахмакъ къашкъыр, мераметли къырмыскъа къырымтатар масалларында энъ сыкъ расткельген айванлардыр.

Ярамазлыкъ, хиянетлик киби къара кучьлерни чешит девлер, джадылар, йыланлар, аждерхалар ифаде этелер.

## *2 алып барыджы(Эмине)*

Масалларнынъ къараманлары чешит тылсымлар ярдымынен менфий шахысларны, ярамазларны, хиянет адамларны, къара кучьлерни-аждерха, джадыларны енъелер ве озь ниетлерине етелер.



### *Викторина суаллери*

*Къана, балалар, энди тешкерейик сиз масаллар акъкъында не билесинъиз?*

*1.Берильген джумлени девам этинъиз «Эйиликке кемлик...*

*(япма)*

*2.Масалларнынъ айнеджи къараманы насыл айванчыкътыр?*

*(Тильки)*

*3.Масалларны не япмакъ мумкюн?*

*(Окъумакъ, икяе этмек, саналаштырмакъ)*

*4.Масалларда яхшылыкъ яманлыкъны не япа?*

*(енъне)*

*5.Масалларда къопайчора,ахмакъ къараман?*

*(Къашкъыр)*

*6.Масаллар насыл икяелер?*

*(Муджизели, тылсымлы)*

*7. Масаллар бизим кунюмизге къадар насыл етип кельдилер?*

(Агъыз-агъыздан, несиль-несильден)

8. Масалларны ким яраткъан(язгъан)?

(халкъ)

**1 алып барыджы(Эльвина)**

-Балалар, а сиз билесинъизми, масалларнынъ къараманлары чокъусы ким ола?

(Айванлар, къушлар)

-Я бу айванлар не япалар?

(Арекет этелер, лаф этелер)

-Бизим байрамымызгъа масалларнынъ къараманы хоразчыкъ кельди, билесизми о йырламагъа биле экен

**Энвер «Хораз» тюркюсини иджра эте**



-Бегендинъизми? Хоразчыкъ насыл экен?

(Шень)

**2 алып барыджы(Эмине)**

-Масалларны даа саналаштырмагъа мумкюн. Шимди сизинъ дикъкъатынъызгъа бир масалнынъ саналаштырувы. Дикъкъатнен бакъынъыз.

## Саналаштырув «Тильки ве койлю»



-Бегендинъизми? Къана бу масалнынъ къараманларыны айтынъыз?

(Тильки, койлю,къашкъыр)

-Олар насыл?

Тильки(айнеджи)

Койлю

Къашкъыр

*1 алып барыджы(Эльвина)*

-Масалны бакъкъан сонъ, мына бойле суальге джевап беринъиз.

Масал бизни неге огрете?

(Эйиликке кемлик япма)

-Эйилик сёзюнинъ синоними?

(Яхшылыкъ)

-Кемлик сёзюнинъ синоними

(Яманлыкъ)

-Балалар, я шимди насыл йыл мевсими?

(Къыш)

-Къышта насыл байрам ола?

(Янъы йыл)

-Балалар, янъы йыл геджеси масаллар ола экен! Бизим мектебимизге наратны кетиргенлер, яраштыргъанлар!Аджайип дюльбер нарат! Санки бир тылсымлы дюнъсында озюмизни сеземиз!

### *1 алып барыджы(Эльвина)*

-Мектебимизге Янъы йылны къаршыламакъ ичюн Сансарчыкъ,Тавшанчыкъ,Тильки,Къашкъыр кельгенлер. Бу айванчыкълар Аяз деденен берабер бир масалчыкъ саналаштырдылар, бу «Дагъда байрам» адлы масалдыр. Келинъиз, сейир этейик!

### **Саналаштырув «Дагъда байрам»**

(музыка янъгъырай)\_



### *2 алып барыджы(Эмине)*

-Балалар, я сиз йырламагъа свесинъизми?  
Келинъиз берабер Масаллар акъкъында бир тюркючик йырлайыкъ!  
**«Бир заманда бар экен, бир заманда ёкъ экен...» тюркюси**

